



№ 137

„2“ „ივლისი“ 2018 წ.

დასკვნა

საქართველოს პარლამენტის წევრების: კახაბერ კუჭავას, ზაზა ხუციშვილის, ენძელა მაჭავარიანის და გელა სამხარაულის მიერ საკანონმდებლო ინიციატივის წესით წარმოდგენილი „საქართველოს „წითელი ნუსხისა“ და „წითელი წიგნის“ შესახებ“ საქართველოს კანონში ცვლილების შეტანის შესახებ“, „საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ“ და „საქართველოს სისხლის სამართლის კოდექსში ცვლილების შეტანის შესახებ“ საქართველოს კანონის პროექტების (№07-3/205; 28.06.2018) საქართველოს პარლამენტის რეგლამენტის 145-ე მუხლის მოთხოვნებთან შესაბამისობის თაობაზე

საქართველოს პარლამენტის აპარატის იურიდიულმა დეპარტამენტმა განიხილა საქართველოს პარლამენტის წევრების: კახაბერ კუჭავას, ზაზა ხუციშვილის, ენძელა მაჭავარიანის და გელა სამხარაულის მიერ საკანონმდებლო ინიციატივის წესით წარმოდგენილი „საქართველოს „წითელი ნუსხისა“ და „წითელი წიგნის“ შესახებ“ საქართველოს კანონში ცვლილების შეტანის შესახებ“, „საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ“ და „საქართველოს სისხლის სამართლის კოდექსში ცვლილების შეტანის შესახებ“ საქართველოს კანონის პროექტების (№07-3/205; 28.06.2018) საქართველოს პარლამენტის რეგლამენტის 145-ე მუხლის მოთხოვნებთან შესაბამისობის საკითხი და აღნიშნავს შემდეგს:

მიმდინარე წლის 22 ივნისს ამოქმედდა „საქართველოს პარლამენტის რეგლამენტში ცვლილების შეტანის შესახებ“ საქართველოს პარლამენტის რეგლამენტის პროექტი, რომლის მიხედვითაც საქართველოს პარლამენტის რეგლამენტის 145-ე მუხლის მე-2 პუნქტის „გ.ა“ და „გ.გ“ ქვეპუნქტები ჩამოყალიბდა ახალი რედაქციით, ამასთანავე აღნიშნულ მუხლს დაემატა „გ.დ“ ქვეპუნქტი. შესაბამისად კანონის პროექტის განმარტებითი ბარათის „გ.ა“ ქვეპუნქტში უნდა აღინიშნოს - კანონპროექტის მიმართება ევროკავშირის სამართალთან (ნაცვლად - კანონპროექტის მიმართებისა ევროკავშირის დირექტივებთან), „გ.გ“ ქვეპუნქტში უნდა აღინიშნოს - კანონპროექტის მიმართება საქართველოს ორმხრივ და მრავალმხრივ ხელშეკრულებებთან და შეთანხმებებთან, აგრეთვე, ისეთი ხელშეკრულების/შეთანხმების

არსებობის შემთხვევაში, რომელსაც უკავშირდება კანონპროექტის მომზადება, - მისი შესაბამისი მუხლი ან/და ნაწილი (ნაცვლად - კანონპროექტის მიმართებისა საქართველოს ორმხრივ და მრავალმხრივ ხელშეკრულებებთან), ასევე განმარტებით ბარათს დაერთოს „გ“.დ“ ქვეპუნქტი, სადაც უნდა აღინიშნოს - არსებობის შემთხვევაში, ევროკავშირის ის სამართლებრივი აქტი, რომელთან დაახლოების ვალდებულებაც გამომდინარეობს „ერთი მხრივ, საქართველოსა და, მეორე მხრივ, ევროკავშირისა და ევროპის ატომური ენერჯის გაერთიანებას და მათ წევრ სახელმწიფოებს შორის ასოცირების შესახებ შეთანხმებიდან“ ან ევროკავშირთან დადებული საქართველოს სხვა ორმხრივი და მრავალმხრივი ხელშეკრულებებიდან. აღსანიშნავია, რომ წარმოდგენილი საკანონმდებლო პაკეტის განმარტებით ბარათში მოცემული გარემოება ასახული არ არის, ყოველივე ზემოაღნიშნულის გათვალისწინებით კი, იურიდიული დეპარტამენტი რეკომენდაციით მიმართავს საქართველოს პარლამენტის ბიუროს იმსჯელოს ზემოხსენებული საკანონმდებლო ინიციატივის, მოცემული ფორმით განხილვის პროცედურის დაწყების მიზანშეწონილობის თაობაზე.


ალექსანდრე ტაბატაძე
დეპარტამენტის უფროსი